

Na osnovu člana 2. i 3. Pravilnika o stipendiranju učenika/studenata, Komisija BBI za izbor i dodjelu stipendija u saradnji sa Asocijacijom „Fatma“, raspisuje



# KONKURS



SHEIKH SALEH KAMEL FUND

za dodjelu **100 stipendija**  
za 2014./2015. godinu za djecu bez jednog ili oba roditelja  
iz Fonda Sheikh Saleh Kamel za region sjeverozapadne Bosne

## PRAVO NA KONKURS IMAJU:

Djeca bez jednog ili oba roditelja, učenici osnovnih i srednjih škola i redovni studenti fakulteta, državljani BiH, sa teritorije regiona sjeverozapadne Bosne (ukupno 100 stipendija za navedeni region iz ukupnog Fonda od 500 stipendija za teritoriju cijele BiH), kako slijedi:

### 1. REGION "1" – REGION SJEVEROZAPADNE BIH

Dodjeljuje se 100 stipendija - obuhvaća teritoriju Unsko-Sanskog kantona i općine: Krupa na Uni, Bosanska Kostajnica, Kozarska Dubica, Prijedor, Gradiška, Banja Luka, Srbac, Laktaši, Prnjavor, Čelinac, Teslić, Kotor Varoš, Kneževo, Šipovo, Mrkonjić Grad, Ribnik, Istočni Drvar i Petrovac.

Visina mjesečne stipendije koja se isplaćuje u 12 rata iznosi KM protuvrijednost iznosa od USD 100,00.

Davalac stipendija, odnosno Komisija za dodjelu stipendija, zadržava pravo izvršiti preraspodjelu broja stipendija po regionima u skladu sa brojem pristiglih aplikacija koje ispunjavaju uslove konkursa.

Kandidati zainteresirani za učešće na konkursu trebaju u ostavljenom roku od dana objavljivanja konkursa u dnevnim novinama dostaviti konkursnoj Komisiji sa naznakom "Konkurs za stipendije iz Fonda Sheikh Saleh Kamel – Region 1 - sjeverozapadna Bosna" lično/osobno predajom u prostorijama filijala BBI u Bihaću ili Cazinu, slijedeće dokumente:

1. Zahtjev za stipendiju s obaveznim ličnim podacima aplikanta (ime i prezime, ime jednog roditelja, adresa, grad i kontakt telefon);
2. Kopija rodnog lista;
3. CIPS-ova prijava o mjestu boravka (ne starija od 3 mjeseca);
4. Odgovarajući dokument kojim se potvrđuje status redovnog učenika, odnosno studenta;
5. Odgovarajući dokument kojim dokazuje postignuti uspjeh u školi/fakultetu (prosjeck ocjena zadnje završene školske/akademske godine 2013./2014.);
6. Odgovarajući dokument kojim se potvrđuje da se radi o djetetu bez oba ili jednog roditelja (smrtni list), djetetu šehida, odnosno poginulog borca;
7. Odgovarajući dokument da u zajedničkom domaćinstvu postoji civilna žrtva rata, logoraš ili RVI preko 50%;
8. Kućnu listu;

9. Odgovarajući dokument kojim dokazuje primanja/nepriimanja članova (potvrda o visini primanja i radnom statusu), ili ukoliko su roditelji nezaposleni potvrda sa biroa za zapošljavanje ili potvrda školske ustanove za članove domaćinstva koji se nalaze na školovanju (obavezno za svakog člana domaćinstva);
10. Dokaz o angažiranosti aplikanta ili njegovog roditelja na društveno posebno odgovornim angažmanima (članstvo u asocijacijama, posebni projekti iz oblasti odgoja djece i mladih i sl.);
11. Izjavu da aplikant nije korisnik - primalac niti jedne druge stipendije.

**Aplikacije koje ne ispunjavaju eliminatorni kriterij (konkurs se isključivo odnosi na djecu bez jednog ili oba roditelja), neće biti zaprimane, odnosno neće biti uzete u razmatranje.**

Primaoci stipendija iz Fonda Sheikh Saleh Kamel će biti obavezani da odmah po zaposlenju i/ili sticanju samostalnih prihoda, otpočnu sa vraćanjem iznosa primljene stipendije i to u iznosima ne manjim od 3% od njihove mjesečne plaće/prihoda ili u većem iznosu po njihovoj odluci pa sve dok ne vrati iznos ukupno primljenih sredstava. Prednost pod istim uvjetima sa ostalim kandidatima imaju studenti iz porodica šehida, odnosno poginulih boraca, odnosno studenti u čijim porodicama postoje pripadnici RVI preko 50%, civilnih žrtava rata stepena invaliditeta iznad 70%, logoraša i demobiliziranih boraca. Primaoci stipendija će biti u obavezi odazvati se na poziv Davaoca stipendija ili Asocijacije „Fatma“ za prisustvovanje edukacijskim i sličnim predavanjima koji se organiziraju u regiji kojoj gravitira prebivalište dobitnika stipendije.

**Komisija će razmatrati sve potpune prijave primljene do srijede,  
17.12.2014. godine do 12,00 sati.**

BBI zadržava dokumentaciju svih aplikanta i neće vršiti povrat dokumentacije, niti će snositi bilo kakvu odgovornost za istu, uključujući pravo BBI da istu uništi.